

北京日報

第一百九十期

代表人朱淇

論說

二月初五日

自由權爲忠君愛國之基礎

朱淇稿

人必有自由之權然後能爲國家辦事今之爲官者其黜陟當一聽於上官之喜怒而自已無自由之主權故不能不媚上官既欲媚上官而又懼同僚之讒已於上官是不得不賄同僚友如是則雖有忠君愛國之心亦必不能達其目的蓋因已無自由之權而致受上官同僚之挾制則既瞻顧上官僚友即不能復顧君國矣故善治國者當使全國臣民皆有自由之權然後其國能治流俗不察乃以自由權三字爲任意放誕之詞其實自由權三字絕非如是解法也憲法既立全國上下皆受治於法律之下而能盡職守而不背於法律則無論何人皆許其自由上官不能以意爲黜陟僚友不能以意爲讒毀也裁判之法改良則上官之舉劾不公者僚屬可以隨時控告之僚友之讒謗者又可以隨時控告之如是則凡爲官者皆有自由之主權可以實心實力爲國辦事而實踐此忠君愛國之義務矣今則不然凡下僚之官皆屈於大僚勢力之下即以北京巡警而論凡民之違背警章者巡捕既糾正之矣假使尙書大學士親王郡王貝子貝勒鐵國公有違警章恐非街市上羊裘持棍之巡警所能糾正也夫法令之不行自上壞之如是則辦巡警者又豈有自由之主權哉無此自由權則雖極力追蹤必不能與立憲國之巡警媲美也明矣故欲國強必自忠君愛國實心辦事始欲人忠君愛國實心辦事必自人有自由權始欲人有自由權必自制定憲法改良裁判始况裁判改良又許裁判吏之獨立則凡有不能實心任事不忠於君不愛於國者無論何人又皆得而控告之如是則辦事之官雖欲不忠君愛國不實心辦事而亦不可得也嗚呼欲人爲善必先令人有爲善之權今無自由之主權則祇可與世浮沉爲同流俗合污世之鄉愿而已矣忠愛云乎哉

緊新聞

軍機處交片內閣○日昨軍機處有片一件交與內閣係奉

旨甘肅巡撫例帶領引見等語查因蔡鈞榮由周玉帥

奏請開缺已蒙 俞允所有侍讀學士員缺內閣奏請擬以甘大璋坐補故有 旨將該員帶領引見也

條陳蒙古事宜○內閣中書鍾綱緒就一摺係條陳蒙古事宜洋洋千言由內閣據情代奏聞此摺已交政務處議矣
粵路籌款之進款○粵東鐵路之籌款以省垣一隅之地計之則報已云得五百萬矣乃昨接粵函則省城一隅又增多
無限路股矣其籌款法除各紳商認股之外又另有二法一曰以地代股一曰以工代股該地值百元者若將地送出
即作為二十股該工每日一元者若願傳支五日工賃即作為一股若每日支半工則積十日作為一股於是貧民苦
力皆爭先認股照此辦法粵路大有不日而成之勢惟大眾宣言此賊不去此路決不繼續舉春萱聞之雖咆哮如雷
然欲悉効則參不得許多欲拿人亦拿不得許多無可如何祇有閉門吐血之一法亦殊覺可憐矣
暹羅華商電効岑春萱○暹羅等埠各商民聯電政府言岑春萱剿民辱紳阻路誤國請去岑以安粵等語
外國兵艦調泊粵城○自粵省官民衝突外國皆謂岑春萱人太鹵莽恐再有威力橫壓之事則必致激成暴動故紛紛
調兵艦來粵泊於省垣以保商旅昨日接粵函外國兵艦之泊於白鵝潭內尚有十五艘至今未駛該兵艦以美國為
最多云

力索夾皮溝礦產○俄使索開夾皮溝礦產經外部駁覆在案聞俄使要求此項礦產執意頗堅日來又復照會外部堅
請飭吉林將軍發給夾皮溝探礦執照云云

電復催辦報効章程○粵督近有電致外部謂汕頭報効局章程已飭催實領早日妥議俟議定後再行咨部駁辦云
粵督飭催山地印稅○湖南粵道會林教士在湘潭縣境購買山地一段稟請湘潭縣會給予印稅該令恐其中別有轉
轉故暫緩給發現該教士稟請駐京英使向外務部飭催外部已電致湘撫查核復矣

戶部不允留用銅元機器○湘省定購銅元機器嗣以銅元業經停止鑄造由滬道轉懇戶部取用已紀前報茲悉戶部
電復滬道以此項機器定購之時未據咨部駁准有案去年十月已往返電商本部未允接收今以萬難退回又欲歸
部點收殊屬非是該機器仍應由湘省自行清理不必再行電部云

飭查俄人徵收營口稅額○俄人占領營口時曾設關收稅現外部擬向俄國索還此款日前曾有電致奉天將軍趙次
帥飭將俄人收稅數目詳查電復

飭探營口對於撤兵之意見○各國最遲駐屯軍隊一事業經各使會議現尚猶豫未決大約均須俟本國政府訓示方

能決定中國政府頗注意此件日前曾致電駐紮各國欽使探察各國政府之意見隨時電覆云云

電請索俄賠款○日俄戰役吉林地方被俄軍損害之生命財產屬數不貲現由吉林將軍詳細調查已得實數日前將
此項損失數目開列清單呈送外部請向俄使交涉務乞極力索償以蘇民困云云

法免華僑雜稅○外務部日前接駐法欽使來電署謂法國政府現已將抽收柴棍華僑之雜稅一律停止云云

本京新聞

警部停止投効人員○警部自准投効之諭所有世職侍衛及前鋒校護軍校等紛紛呈請辭職警務現聞毓月華侍郎
以投効人多缺額已滿諭令於前一月內已一律停止收呈矣

蒙鹽督銷易人○蒙鹽督銷局前由商人王松年等稟請開辦設局張家口及庫倫喇嘛廟多倫諾爾等處兩年以來獲
利不貲雖報銷遞增至八萬而贏利尚一十餘萬現由貴市鉅商李恩濤接辦允每年加增報効而減收釐銀庶於國
於民兩有裨益已由北洋大臣及察哈爾都統批轉咨戶部查照矣

張星使展期來京○前往英張觀察欽使回國一節已誌本報日前有信寄京畧云現已由英抵滬惟大沽一帶河水未
開碍難北上須至二月中旬方可晉京

京張鐵路不用洋人○京張鐵路工程關係觀察天佑勘測全路軌道橋樑鐵路地點并囑囑鑿山八十餘丈統計
需銀七百萬兩上年由關內外鐵路餘利項下撥款一百萬兩該路自工程師以下均係華人並無一他國人在內洵
中國鐵路之特色也

咨查水師軍制○聞練兵處以各省陸軍現已奏頒劃一軍制而水師尚有缺點亟宜將所有師船訓練之法另訂組織
完密章程以免名目繁多會操時操法口號以及軍械時有參差不齊之弊日內即電咨長江提督曾照辦理矣
不允設立商務公司○聞有職商某君稟請商部請就各直省商務分門別類通飭設立大公司逐漸推廣永遠專行等
語經各該會商查征收賦課關係國用所請碍難允准業已批駁矣

礦稅完稅免釐○聞山西所開王封山礦稅曾經商部議准免釐現因晉撫以無關稅何可免釐且他項均須納釐獨
此項關免於釐務大有妨碍仍照章完納等情茲由商部各堂核議仍先稅免釐以符部章已咨覆該撫遵辦矣

德使加入中德商約三款○德使現擬加增三款於中德商約一中國商部所定之礦務章程應再修改二德人居中國者准其有內地貿易自由之權三中國應准德人推廣各處長江大河汽船航業
招練駐屯滿洲兵隊○政府續練駐屯滿洲兵隊苦無經費故未實行茲擬提取關內外鐵道餘利以練滿洲之兵將開始招募云

請津貼以助學費○在京師強務學堂肄業學生賢賢張國棟等於去歲改收入堂肄業每年學費約須百餘金現因學費支絀稟請軍督照奉省在京師大學堂講學館學生例每月津貼銀八兩以助學費現軍督已飭學務處核議
籌辦整頓世爵章程○傳聞兵部於日前會同練兵處王大臣議及近來世爵世職人員多有不知武學而任差者恐將來難資重任嗣後擬將滿漢世爵世職奏准承襲後均著派入陸軍學堂肄習俟三年期滿擇其列入優等堪膺宿衛之選者咨送考驗即照學員授職章程辦理凡未入學堂之員雖經襲職均以半俸支給

各省新聞

續紀粵東鐵路籌款踴躍認股情形○(廣東)十五日總商會又以籌辦鐵路事會議是日集議者益衆隨由蘇君慎之代表發出問題八條 一交鐵路股份或交本地銀成銀紙成員子及外洋外匯或交金磅金銀票均須議定因小股有限大股匯水必多易起爭執衆答決 定以雙龍毫爲本位無論何樣式銀均照時價雙龍毫水伸算 二發出各處內地招股份應先由總公司分別號數妥蓋圖章庶稽核有憑免滋流弊 衆答招股份既經戶號數如熱心之人担任勸捐者須先到公司掛號至外省外埠以該處生意往來之行店寄去本公司發部聲明不得收銀寄往各處 三現所收之小股銀係爲順興情權宜之計由總商會賬房代收惟章程宜慎重經手亦要公平每日收得小股若干亦要開列清單分別字號交會辦坐辦稽核以昭公允銀數一百兩則發股實銀號生息以免嫌疑 衆答認可 四議租對門馮宅吉屋一間爲商辦粵漢鐵路認定本公司辦事處凡七十二行各商家均宜妥蓋圖章舉代表人員到公司辦事切勿遲緩以誤事機 衆答認可 五議派股份部到各行值理勸認集股歸本總商會調查員担任派送部到之後請該行蓋回圖章 衆答依議 六議派股份部到各學堂俾該學員教習勸認集股現

在本總商會調查員担任派部送到之後請該學堂交回憑據 衆認可 七議招股之部必要叙明此事原委并簡明章程宣佈中外俾易週知共結熱心以維要務然後知所趨向易於成立招股序又自不宜遲請即議定以便刻印 衆答招股序文請蘇慎之先生担任至簡明章程應由各報登告白招人獻議不拘一條一事 准十八日送到商會聽從何處出 答匯費應照時價補還貼明日再議(按津貼係指紙墨費)以上八條議畢又由某君獻議凡每日議已事必要標明大堂未定者固要標明何日再議定者如見有未妥亦准再行提議衆以爲然隨後又提出招股之人是否本人代收抑由認股人自交公司又總公司宜租何處公地爲合議至此已屆申刻留侯下日再議
滬商公會開議○(江蘇)日前英大馬路保安善堂滬商公會開議到者百數十人經會首擬定章程六條以事經草創擬章容有未妥之處故未宣佈尙須定期續議茲將前日創議各條備錄於下 一(會名)滬商公會 二(權限)本會須有與他省會館公所董事平等之權限 三(宗旨)本會欲與中國各會館及租界工部局商辦一切公共有益之事 四(義務)本會務使滬商安居樂業共享應得自由之權利如有會友受屈及有失體面之事會中人務須竭力保全 五(董事)擬公舉身家殷實聲望素孚之總董一人副董一人譚董若干人 六(經費)辦事先須經費現在初創則由會中人資助 大旨如斯餘俟再議至董事一缺當場擬舉華比銀行買辦胡季梅君爲總董陸雲生君爲副董發起人則爲張乘堂沈縉雲顧松泉陶鳳山數君云
議裁驛站之計畫○(河南)汴省爲驛站衝要糜費甚巨而迅速有時不及郵政聞中丞因目前籌款維艱擬將此項驛站裁撤所有公文一律交郵局遞發屢與司道商酌僉以裁撤驛站每年即添購馬匹一項盈餘已不下數萬金其他人工草料送往迎來等費節殊屬不貲以此舉辦新政不爲無補中丞深韙其議擬即奏請試辦云
警務擬聘日本教習○(江蘇)金陵警察學堂續收正副官生三十員自費生正副六十員江督擬添聘東洋警察教習一員另開特班講授以期精進正月初七日駐甯日本商務總辦岡部三郎薦本國警察局長教習稻田穩君聞江督已飭警務總辦體察情形稟覆核奪
籌辦英德洋款○(湖北)英德洋款爲數頗巨年過二月先解一批惟年內趕解京協各餉總掘已窮而此項洋款又不能逾限日昨藩司善後等局會商籌措之法其覺爲難亦可見湖北財政困難之一斑矣

津省地震○(河南)汴省於年前地忽震動撫署外小房震倒十餘間壓斃民人數十名近則南召魯山一帶時有地震幸未成災

札飭廢棄鐵道合同○(江蘇)江督周玉帥近日札飭上海道云光緒三十一年十二月初四日准盛大臣欽奉上諭將前與英商訂立蘇杭甬草合同收回自辦當經函致銀公司會議撤廢迄無回信自應收回自辦並銀公司種種遲延應得作廢緣由專函聲敘審請查照等因並抄函到本大臣准此除咨覆外合抄來文札飭札到該道即便遵照云云

新錄輯批教士違章出示稟詞○(江蘇)查張帖告示曉諭民人乃係管理地方官員之事該教士何得仿照衙門款式擬出告示實屬妄至欽命字樣必須各國派來大員始有此稱該教士以一司鐸之微尤爲僭越候飭九江道照會法領事轉致主教即將呂希嶽撤回并候分咨外務部南洋大臣照會法公使使法總領事通行飭禁

袁宮保輓潘烈士聯○(直隸)袁宮保以潘烈士感與國之淪亡傷同種之摧挫目不忍親憤極輾生其情可憫其志可嘉特撰一聯以輓之其辭云吾子已矣同胞奈何可憐志士輕生竟化怒濤飛大海諸君勉之匹夫有責願結國民團體共扶義檣挽狂瀾通州潘生子寅自日本歸道出仁川感韓勢憤極投海懷才未展飲恨以終聞其風者當以生之心爲心而竟其素竟之志是即可以善效生者也 瑣城袁世凱題贈

各國新聞

日本太平洋之水產權○(日本)日本欲推廣韓國漁業以期擴充該國水產權並擬在中俄兩國衝要地方設立漁業製造公所已勘定韓國全羅道爲水產根據地

歐亞未來之外交○(德國)德國新出一書歐洲各國莫不注意書中所論逆料歐洲如有戰事英法西班牙三國合而爲一德義奧三國亦合而爲一并詳叙美國自立英國戰敗之事末言日本將來可爲環球上最強之國

英皇擬游歷德京○(英國)前月二十七號係德皇萬壽英皇呈遞國書以中慶祝並云擬俟德奧毛洛哥國之交戰聯結後即親往德京游歷以擴眼界云

撤退滿洲俄軍○(俄國)現時俄國火車每日兩次由滿洲裝運俄軍回國聞將駐紮滿洲之俄軍於西六月以內一

律撤退云

東亞第一鐵工廠○(日本)日本創設國京釜鐵路公司擬於釜山鎮創設一大鐵工廠規模宏大製出各種火車船舶用之鐵器外附設一大船塢專修理船艦將來開工後工徒有四萬人釜山當對馬海峽之咽喉又爲京釜鐵路之基點將來之盛可知

未來世界之海權○(各國)西報言英國之海上特權當觀世紀之前半可卜其日形衰退而太平洋海權應歸同盟國之日本所握美國可望得大西洋之監視權而曾爲地中海主人翁之意圖當再復其舊地位德國可握波羅的海之主權

日謝美義○(日本)美大總統憫恤日本東北方之窮民募得賑捐金一萬元寄附日本日皇有電謝米國大統領之慨義云(譯大坂每日新聞)

日本學生開演藝會○(日本)日本橫濱大同學校於冬月二十八至三十舉行演藝慈善會將校中分作數校凡校中男女學生所有功課均陳設室中第一第二室陳記物理化學體操運動圖畫等器並試驗法第三室男女學生所畫之油畫水畫及女生手製之花織繡之物由人購買又於晚間演戲男學生演西人戲純用西法女生演一回用中英日三國語演畢復演班定遠半西閱者稱快又大同學校挑選校中年長學生一百人女學生十人同往神戶同文學校皆服軍裝具衛武之精勵與同文學校學生合操操畢兩校旅行兩夕并租一西人戲院演戲自後著爲定例開演藝會

法國擬再造巨艦○(法國)法國政府擬再造一萬八千噸鐵甲船三艘俄人擬募國債○(俄國)俄京近來財政大受影響該國戶部大臣聲稱極宜籌出五千萬或七千萬金磅以弭補虧空然刻下籌款不易必須借貸方可

女教師將赴中國○(日本)東京清韓語講習所第一期卒業生安藤貞十(二十三歲)東京女子高等師範學校出身)大塚春子(二十一歲)德島縣高等女學校出身)片根清子(茨城縣人加藤美代子(二十歲新瀉縣人)山口子(茨城縣人)等五女史將應服部博士夫人繁子創設之北京日本女學堂及北京新設之中華族女學堂以及其他家庭教習之聘前往中國

要件

奉天商務總局辦理商訟暫行章程

- 第一條 本局辦理商訟以審判和平兩造悅服為宗旨
- 第二條 審判時掃除官場習氣不用公案不用差役無論原被告均以客禮相待
- 第三條 本局審判員按律評斷另由各行陪審員一二人并准聽審
- 第四條 本行代表即為本局陪審員
- 第五條 商人有錢債不清之事由各行公正會首理處如不能了結再行赴局呈明
- 第六條 商人錢財轉讓以由公正會首呈送本局兩造即應同來以免傳喚如係一造具呈即發傳單知會兩造宜限定時日到局候判
- 第七條 傳單由本局差役持送隨取收條並無絲毫花費如抗傳不到即由地方官齊辦商局不問
- 第八條 某行商人爭訟即令某行代表人陪同陪審原被告兩行即令兩行代表人到局以便按照行規調導如係一商一民商人由代表人陪審民人准其約公正紳衿一人陪審不願約人者亦聽
- 第九條 審判時先令原呈人陳說再令被呈人詳訴按照行規調導兩造帖服即行了結至多不得過三次三次不結者聽赴地方官訴訟商局不問亦不移送
- 第十條 原被告之兩造受和平之審判自宜遵判了結然各行良莠不齊如有奸黠之徒不服判斷一味狡展以致在局鬧鬧不守規矩者即送地方官看押訊辦
- 第十一條 有應追之欺騙期呈繳如逾限不繳再按原限之日展期一半倘再屆期不繳准原告商人自行赴縣呈請勒追
- 第十二條 俟商會設立凡商人爭訟先到商會由代表人理處次由總理評論後由審判員判斷始終均以行規公理大義開導判斷從此官商一氣不似從前隔閡則私見自除訟案自少其餘未盡事宜應俟設立商會再行詳訂章程辦理

專件

政務處考覈各省州縣官列入最優等員名清單 (續)

甯洱縣知縣何文林

學堂 十二所

巡警 團丁巡防

工藝 織紡局一所

種植 植松七萬九千株茶一萬五千株五千株

命盜 命案無盜案一起結

詞訟 六十四起全結

監押 監一名押無

錢糧 未全完

會澤縣知縣王嘉福

學堂 九所

巡警 團丁巡防

工藝 辦蠶桑局一所

種植 植蠟樹四百八十六株桑三千一百十八株

命盜 命案二起未結一起盜案無

詞訟 二百七十六起全結

監押 監犯三名押犯一名

錢糧 未全完

刑部

順甯縣知縣黃乾濟

學堂 十六所

巡警 團丁巡防

工藝 紡織局二所

種植 桑麻茶九千二百株

命盜 命案四起結盜案七起未結二起

詞訟 監三名押一名

錢糧 未全完

太姚縣知縣王裕承

學堂 十三所

巡警 團丁巡防

工藝 創織布局一所

種植 種桑一萬三千餘株

命盜 命案已結一起未結二起盜案已結未結各二起

詞訟 全結

監押 監犯四犯押犯一名

錢糧 未全完

嘉州州判胡思義

學堂 十四所

巡警 籌辦

工藝 辦紡造織紙局二所

種植 茶桐核桃桑一千六百株

命盜 無

詞訟 三十五起全結

監押 無

錢糧 未全完

宮門抄

二月初四日戶部宗人府

正白旗值日

吏部引見

六十九名

王中堂

孫中堂謝加級

恩 鹿傳霖等

謝加級

恩 敬中堂因伊子授缺謝

恩 墨祺謝授內閣學士

恩 浙江知府姚舒密謝

恩 謝錦光假滿

請安 順天府奏京師得雪一寸有餘

掌儀司奏初七日祭

奉先殿倫貝子行禮

召見軍機

姚舒

上諭

上諭山東沂州府知府員缺着李干補授欽此

上諭山東登州府知府員缺着張學華補授欽此

批摺摘由

二月初二日

宗人府奏慶親王奕

議叙事奉

旨依議

朱煜勳奏

雍和宮聽經燈

命奉

旨知道了

戶部

循案核議 旨知道了

工部核銷

昭陵西北角樓工程銀兩

知道了

二月初三日摺片二十三件

何鑑奏

交卸鎮篆日期

知道了

錫良奏

籌解三十三年匯豐銀款

該部知道

又奏前年川省鹽道解司存

庫鹽釐銀數 戶部知道

又斬絞各案彙奏

刑部議奏

又尋常命盜案彙奏

刑部議奏

誠勳奏

藩司交代

刑部議奏 袁世凱奏 請以大名令嚴以盛升補滄州牧 吏部議奏 又奏起擢兵輪砲位等件 該部知道 吳引孫奏 考察屬員分別舉劾 另有旨 錫良片 潘崑等會哨 知道 又奏繆介臣議卹 著照所請該部知道 又奏趙萬春等試用期滿留省 吏部知道 又奏監盤計岸官運鹽局 戶部知道 又奏馬進祥赴甘何鑑署川北鎮總兵 兵部知道 又奏巴塘開教賠款議結 該部知道 又奏松潘右營都司王飛龍病故開缺 兵部知道 又奏川犍廠撥款貸濟以維鹽務 戶部知道 又奏布政司經歷孫廷藻丁憂 吏部知道 又奏試辦彩票 戶部知道 又奏西藏請西關報銷 該部知道 誠勳奏 故總兵宋朝儒專祠列入祀典 著照所請禮部知道 又奏緬甸縣知縣胡德修丁憂開缺 吏部知道 錫良奏 巴塘徇難維堃等議卹 著照所請該部知道

奏

結

戶部謹 奏為核覆奉天圍場開支廉俸等款據咨改奏恭摺仰祈 聖鑒事竊臣部據 盛京將軍趙 咨海龍城徵收光緒二十九年分並續徵二十七兩八年耗羨等銀開支廉俸各款造冊咨部覈銷前來臣等伏查圍場海龍城左右兩翼額徵並續墾升科地畝每畝徵正課二分耗羨一分又每畝捐東錢百文以十二吊徵銀一兩由民間自行易銀交納內正課耗羨已未完分數向由 盛京將軍奏報並造考成清冊送部核辦其耗羨及畝捐收支各款另由該將軍造冊咨部覈銷所有二十九年分收支各款謹逐加查核分別管收除在恭呈 御覽 一冊開舊管耗羨庫平銀二千七百十五兩二錢七分八釐零六分減平銀二千一百一十兩零五錢五分四釐又上案虧錢合市平銀七千六百十六兩八錢九分六釐零查與上案實存及虧欠各數均屬相符 一冊開新收二十九年分耗羨庫平銀一萬零七十二兩九錢三分二釐帶徵二十七兩三釐五耗羨庫平銀三千六百零六兩八錢八分四釐零又續收二十八年耗羨庫平銀八兩九錢八分一釐又續收二十八年帶徵二十七兩三釐五耗羨庫平銀一兩四錢五釐零又收上案六分減平銀四百一十兩四錢七分六釐零又收二十九年分捐款市平銀一萬四百二十八兩八錢六分九釐又帶徵二十七兩三釐五捐款市平銀三千七百三十一兩四錢七分二釐零又續收二十八年捐款市平銀九兩二錢九分又續收二十八年帶徵二十七兩三釐五捐款市平銀一兩四錢五分三釐零又由耗羨劃撥庫平銀四千零八兩二錢六分五釐零折合市平銀四千二百一十兩九錢三分七釐零臣等查新收耗羨銀兩核與該將軍造報考成案內聲稱二十九年分已徵耗羨銀

一萬五千二百八十兩四錢二分八釐帶徵二十七兩三釐五耗羨銀四千四百七十六兩二分一釐九毫又完二十八

年耗羨銀一百八十八兩零六釐又完二十八帶徵二十七兩三釐五耗羨銀四千二百一十兩九錢三分七釐零臣等查新收耗羨銀兩核與該將軍造報考成案內聲稱二十九年分已徵耗羨銀一萬六千九百一十六兩九錢九分五釐零此次咨銷冊內祇列收銀一萬三千六百九十九兩零二錢二釐零其餘銀三千二百九十六兩七錢九分三釐零因何不併入本案列收應令查明登報又捐款一項據稱二十九年分已完銀一萬四百二十兩八錢六分九釐零其未完銀三千三十六兩二錢五分六釐零應令迅即補收全完歸入次年案內列收毋得遺漏再該圍場止課收支款項經臣部行令隨同耗羨造報迄未遵辦應令遵照前奏即將光緒二十三、四、五、六、七、八、九等年所收正課銀兩作何動用除文外尚存若干另行分別開具簡明四柱清單彙奏報以重款項至減平銀兩核與上案應扣銀數相符 一冊開開除支給二十九年初一日起至三十年九月底止總管黃長防禦騎驍校筆帖式廉俸地租執儀等項庫平銀二千四百六十八兩又二十九年初一日起至三十年四月初三日止通判巡檢廉俸役食辦公等項庫平銀四百四十二兩八錢八分八毫零又二十九年初一日起至三十年十月十九日止馬口分草料庫平銀二千三百七十五兩三錢四分又發放三十年分總管通判巡檢衙署歲修辦公市平銀五千六百六十六兩六錢六分六釐毫零以上各款共支銀一萬零九百五十二兩八錢八分七釐零核與應支銀數相符應准開銷又支給買補倒斃馬匹除繳皮張銀五兩外給價庫平銀八十五兩此款應歸兵部核銷俟復知照到日再行查核又提解船政庫平銀一千六百兩市平銀五千兩查上案撥歸船政銀六千七百九十兩四錢五分九釐零經臣部查以奉天每年應解船政經費銀五萬兩係改撥武備中軍之餉行令照數解部嗣據咨稱二十七年二月曾准 行在戶部咨奉天省應解武備中軍餉銀現在地方被兵暫緩起解一俟時局平定再行照解等語現在時局已定應令即將提存各年船政經費迅飭解部毋任稍延又擊出加捐尾零庫平銀九十兩零四錢五分九釐零冊內並未聲明提作何用應令查明登報 一冊開實存庫平銀五千三百五十三兩八錢三分四釐零又六分減平銀二千五百三十一兩零三分八毫應統俟收支兩項查覆到日再行核辦其本案減平銀兩應令入于次屆案內列收毋稍遺漏再查該省燒鍋稅及街基租錢向係彙入耗羨案內造報獨二十三年分並未隨案造冊送部核銷此次亦未造送應令該將軍查明分晰造報以符向章其二十三、四、五、六、七、八等年另款存儲之燒鍋稅錢合銀五千四百六十七兩五錢街基租錢合銀四千三百三十二兩三錢五分應仍令專款存儲不得擅自動用所有臣等核覆奉天圍場收支各款據咨改奏緣由理

陳慶龍片 再准河北鎮臣張相泰咨據潞縣汛千總奎旺呈報滑縣營都司李凌戔因患嘔血病症醫治罔效于光緒三十一年十二月初九日病故等情當經飭據代理滑縣營都司趙其昌取具供甘醫驗各結由營加結呈鎮咨送前來臣覆查無異除將印甘醫驗各結送部外相應附片具陳伏乞 聖鑒飭部查照再所遺滑縣營都司係屬題缺豫省現有應補人員應請扣留外補合併陳明謹 奏奉 硃批兵部知道欽此

林紹年片 再改練防營以來綠營將備幾同虛設然緝捕彈壓均關緊要斷不能處處遍布防軍黔以多年未舉軍政綠營之怠弛彌甚是以地方巨案層見迭出雖經臣逐加整頓稍覺改觀但尚有疲軟因循者亦未便姑息茲查定廣協副將程友勝清江協副將吳楚英實年均在八十五上下年力就衰難期振作誠恐遇有事故貽誤匪輕擬請將該二員開缺以原品休致臣與督臣往返函商意見相同除部查照外仍隨時察看如有實在庸劣之員再行糾參外是否有當謹會同雲貴總督臣丁振鐸附片陳明伏乞 聖鑒訓示再所遺定廣清江副將各缺暫省現有應補人員擬請扣留外補合併陳明謹 奏奉 硃批著照所請兵部知道欽此

文苑

詠黃巖南君韶時在乙巳九月

寶鑑稿

南君台嶠奇男子。國民不作平生恥。中原才俊君其人。男兒竟爾客中死。自是千金剩駿骨。黃金臺祀嗟何似。踞齋顏天。一例看古往今來。只如此。憶君負笈長安道。颯爽英姿正年少。投身學界志何堅。左圖右史恣探討。造化小兒何相妬。龍蛇折何早。天上高高白玉樓。樓頭西北有雲浮。未經千歲即厭世。帝鄉自此長淹留。人世那如此。間樂招手星辰在上。不然地下修文去。黃泉亦有仙郎署。顏夏相逢把臂遊。夜台會慶德星聚。升天入地兩茫茫。欲賦招魂不知處。千古魂歸會有期。即今靈柩停京師。他年化鶴同城郭。人民似昔非。漫漫長夜昏如墨。何君甘就大宵宅。奴隸何如自由死。重陽風雨天為泣。維木有橋忽摧折。西河抱痛心滋戚。無時報答三春暉。迴憶倚闌傷局極。閨中更有桓。婆娑相。丹節懷冰霜。質呱呱啼泣。襁中兒。諦聽啼聲識英物。傳業青箱賴有人。阿翁繩武望桐鄉。汝南家聲嗣奕葉。小同名。年于父。幾君今撒手長歸去。無處仙香覓返魂。君行行到水窮處。天盡頭時鬼相語。骸骨何時歸故鄉。越國青山渺何處。佳城鬱鬱何佳。留待沈彬埋玉樹。今我來歌薤露詞。一聲虞殯哀些些。手披君傳三太息。來向西風奠酒后。